



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 2. An, & quando debitor ex causa sufficiente excusatur à restitutione  
Statim facienda, debeat postea ultra debitum ipsum restituere  
detrimentum lucri cessantis, vel damni emergentis, quod ...

**urn:nbn:de:hbz:466:1-41144**

ves est, & statum ampliorem obtinuit, quia aliena occupavit, vel retinet, non ideo excusat à restituzione, quod cadere debeat à statu, quem injuste possidet, ut notat Lugo l. c, non enim fas est retinere alienum, male partum, inuitio eo, ad quem id pertinet, ut quis conservet suum statum.

Sicut autem notabile, & grave detrimentum proprium in bonis externis excusat ab obligatione restituendi statim: ita majori cum ratione notabile detrimentum in bonis altioris ordinis, ut in fama, vita, corporis salute, excusabit.

Ex suprà dictis infertur, non excusari debitorem ob detrimentum solum lucri cessantis, eo quod si debitor non statim restituat alienum, sed differat restitucionem in aliud tempus, multum ex re aliena sit lucraturus, ut advertunt citr. DD. quoniam id non est detrimentum pati in rebus suis propriis, sed in eo, quod non lucretur rebus alienis, invito eo, ad quem spectant, utpote qui non debet consentire dilationi solutionis solūm, ut debitor lucretur.

III. Ad 2. Q. non obligari debitorem justè tunc differentem restitucionem ad illa damna Creditori compensanda suaderi potest inde, quod debitor ad ea resarcienda neque teneatur ex injusta acceptione, cum ita differendo non peccet;

R. P. Leonardelli Soc. Jes.

neque ex parte rei acceptæ; cum detrimentum, quod Creditor ex illa dilatione passus est, ad ipsum non pervenerit: ergo ex nulla radice tenetur.

Cajetanus q. 62. a. 8. responderet sub distinctione, & siquidem debitor restitucionem distulit ad vietandum damnum proprium in bonis fortunæ, teneri ad compensanda damna creditoris; secus si restitucionem distulit, ut vitaret damnum in bonis Ordinis Superioris, ut in fama, honore, aut corpore.

Molina verò. D. 754. n. 3. cum Navarr. & aliis censet in utroque eo casu teneri debitorem ex tacito pacto compensare Creditori detrimentum illi ex ea restitucionis dilatione secutum; quia æquitas non patitur, ut debitor velit, alienum retinendo, quod jam ex justitia debet, evitare damnum proprium cum creditoris jactura, & detimento; adeoque, ut licet posset velle dilationem illius, quod ex justitia jam nunc debet solvere, necesse est, ut id volendo velit etiam suscipere in se onus resarcendi alteri minus damnum, si quod inde passus fuerit.

Sententia hæc videtur satis probabilis; si enim alteruter ex dilatione restitucionis, debitor, vel creditor, damnum pati debeat, potior debet esse conditio creditoris innocentis; quam debitoris,

Q. sal-

saltem cum æquali damno, vel si notabiliter majus sit damnum debitoris, ut minus creditoris compenset. Unde

Ad rationem in contrarium responderi potest, etsi debitor ad id non teneatur ex radice injustæ acceptio[n]is, aut rei acceptæ, teneri tamen ex tacito pacto, & sub conditione, sub qua solum licet p[ro]tuit velle eam restitutionis dilatationem; quod si ab initio voluit eam dilatationem absque tali pacto, & conditione, injustus fuit, ita eam volendo cum damno, & præjudicio Creditoris, sive tenebitur ex radice injustæ acceptio[n]is; ut etiam quando fuit debitor ex delicto; nam debitor ex delicto, cum culpabiliter sit causa totius damni secuti, etiamsi illud postea fortuitò sequatur, totum debet restituere, cum totum ex ejus delicto primo ortum habuerit: imò & debitor ex contractu, quando fuit in mora culpabili solvendi, quia tunc postea censetur debitor ex delicto, & tenebitur ad damna postea lecuta, sicut alii debitores ex delicto.

Notat autem h[ic] Lug. D. 18. S. 2, in praxi plerumque excusari debitores à restitutione damni emergentis, vel lucri cessantis creditori facienda ex eo capite, quod dilatio solutionis non fuerit peccatum mortale contra justitiam, sive quia non poterant debito tempore sol-

vere, sive quia' non adverterunt, sive quia bona fide putarunt creditorem non esse graviter invitum circa dilationem pro eo modico tempore; non enim solent creditores adeò exacti & rigidi esse contra debitores, ut velint in solvendis debitibus eos statim sub mortali obligare ad præstandam solutionem: imò indecorum censetur Creditoribus ita urgere debitores, ut inducas alias non concedant, ut commode possint satisfacere. Ut adeò s[ecundu]m possint excusari à culpa gravi in dilatione solutionis, quando bona fide putant creditores scientes, & potentes urgere, & tamen non exigentes debitum, non velle uti toto suo jure & obligare sub mortali ad non differendam solutionem,

Supponit autem h[ic] citt. D. quod D. 8. S. 5. cum pluribus aliis docet, ex culpa veniali non dari obligationem restituendi ex delicto damnum grave.

Ad 3. Q. an debitor morosus, 112 quando est in mora culpabili solvendi, & ideo creditor cogitur accipere pecuniam, & solvere interesse, monendus sit à creditore, antequam pecuniam accipiat cum interesse, ad hoc, ut teneatur in conscientia solvere interesse, quod ob ejus moram solvere cogitur Creditor; anue ad id in conscientia teneatur, etiamsi à creditore non fuerit prius de eo monitus?

Re-